


- 9 Circularis uesicae ceruicem ambiens musculus.
- 10 Duo penem constituenta corpora, quorum sinistrum à suo principio quod à sinistro pubis osseducitur, liberatum est: dextrum autem corpus suo principio adhuc pubis dextro ossi firmatur. Præterea hic S nostri figura in conspicuo est, quæ penis flaccidus laquidusq; cū uesica effingit.
- 11 Venarum & artierum neruorumq; penem aduentium series, tam apte ac in huiusmodi figuris id moliri datur expressa.
- 12 Primum exterius uesicæ peculiare inuolucrum à peritonæo inibi pronatū, ubi P ascripsimus, ubi uero X locatur, ea eius inuolucris sedes notatur, quæ hæc infimæ testis parti connascitur.
- 13 Testis musculus iam dicto inuolucro innatus.
- 14 Musculus femur mouentium septimus hic se spectandum offert, quæ super coxendicis os deorsum ducitur.
- 15 Recti intestini portio, quæ in corpore dum intestina reliqua auferuntur, relinqui consuevit. Super hanc recti intestini portionem eleganter quoque uenæ cauæ & arteriæ magnæ distributio circa ossis sacri regionem uisitur.

VIGESIMATERTIA QVINTI LIBRI
FIGVRA.



VIGESIMATERTIAE FIGVRAE, IPSIVSQUE PARTIVM
& characterum Index.

VIGESIMA tertia figura multas peculiare obtinens effigies, tabellæ uel, simul cum illa quæ mox præcessit, ac ordine uigesimæ secunda fuit, potissimum ad uirilium organorum generationis inspectionem facit, & ambas quum primum characteribus insignirentur, decimotertio huius libri Capiti præponendas ducebam, unde etiam in utrisq; eadem prorsus est characterum ratio. Verum quod iam satius fore arbitrer omnes præsentis libri figuras hic seriatim col

loca

- locari, priuatim indicem huic uigesimæ tertiæ figuræ dedicabo, characteres quæ huic & uigesimæ secundæ communes sunt, denique non grauate explicaturus. Porro in hac uigesimæ tertiæ figuræ duæ sunt præcipuæ effigies, quarum unam non inopportune dextram, alteram uero sinistram appellabimus. ac in utrisq; quidem effigiebus renes, uesicæ & seminaria organa cū uenæ cauæ et arteriæ portionibus exacta è corpore sinximus. Atq; hæc quidem in dextra anteriori facie, in sinistra autē posteriore delineantur. & in dextra adhuc priuatim uesicam, & ipsius ceruicem seu meatum semini urinæq; communem aperuimus, quum hæc in sinistra adhuc sint integra: quem admodum in characterū explicatione dicturus sum diffusius, simulatq; effigies expressero, quæ sinistrum latus & inferiorem præsentis uigesimæ tertiæ figuræ sedem occupant, ac maiusculis Latinorum literis in hunc modum notantur.
- A, B. Duabus his tabellis dextrum testem anteriori facie, at magis secundum sinistrum latus ostendentibus, idē exprimitur, uerum superior A insignita ab inferiori B indicata in hoc differt, quod ipsa semen deferentis uasis situm inturbatum ostendat: quum interim inferior B notata deferentis semen uasis partem, quæ secundum testis anteriora sursum fertur, neq; amplius testis adnascitur, ex sua sede sinistrorsum habeat reflexam, detrusam uel, ut insertio applicatioq; uenæ & arteriæ seminalium ad testem in conspectum ueniret. At hæc characterum utrisque effigiebus A & B insignitis communium opera reddentur dilucidiora.
- C Vena & arteria seminales illic abtruncata, ubi iam ex magna peritonæi amplitudine excident res inuicem implicantur, commiscunturq; ac corpus quod uaricosum mihi appellabitur efformare incipiunt, seu huius uaricosi corporis quod pyramidi assimilabitur conus.
- D Basis uaricosi corporis, seu sedes qua uena & arteria seminalis testis inseruntur, & ramulos in testis intimum inuolucrum & testis substantiam spargunt.
- E Vasis semen à teste deferentis initium.
- F Reflexus uasis semen deferentis secundum testis humiliorem sedem.
- G Sursum conscendens deferentis semen uasis portio, & ipsius regio in qua amplius testis connasci desinit.
- H Præsentis effigies deferentis semen uasis portionem ostendit, quæ testis intimo connata erat inuolucro: & foraminula illa asperitatesq; cernuntur, quæ in eius uasis sede post sectionem conspiciuntur, quæ inuolucro illi connascebatur.
- I Hac effigie eadē uasis semen deferentis portio, quæ et mox præcedenti delineatur, uerum hæc sedem eius portionis ostendit, quæ gibba est, testisq; inuolucro non connascitur.
- L Testis à quo semen deferens uas abscellum est, ipseq; adhuc testis cum intimo ipsius inuolucro et uaricoso corpore remansit.
- M Hac eadem cum effigie L notata indicat, uerum ut illa anteriorem testis faciem exprimebat, ita hæc posteriorem: & duæ subsequentes notæ utriq; sunt communes.
- N Prima uenæ & arteriæ seminalium commixtio, seu uaricosi corporis conus.
- O Varicosi corporis basis, & in testis substantiam ipsiusq; intimum inuolucrum insertio.
- P Testis suo intimo adhuc obductus inuolucro, sed à uaricoso liberatus corpore, & superiorem ipsius regionem ostendens, in qua uaricosum illud corpus inseritur. Apparent namque hic foramina ramulorum uaricosi corporis, qui (uti dicebam) testis implantantur.
- Q In hac effigie intimam testis tunicam inuolucrum uel nouacula diffecui, & ex altero latere à testis substantia eius inuolucris partem R notatam diremī, in posterioraq; reflexi, ut ductus in conspectum uenirent, qui à ramis inuolucrum intertextentibus in testis substantiam pertinent. Aliteram uero huius inuolucris partem S insignitam, testis adhuc connatam reliqui.
- T Hic testis per medium dissectus iacet, uasorum per ipsius substantiam diffusorum, ac V & V naturam distributionisq; seriem commonstrans. Qui uero modò subsequuntur characteres, duabus grandioribus & magis præcipuis uigesimæ tertiæ figuræ effigiebus proprii habentur.
- 1 Hac numeri nota indicatur anterior renis regio.
- 2 Posterior renis regio.
- 3 Superior renis regio.
- 4 Inferior renis regio.
- 5 Externum renis latus.
- 6 Internum renis latus: in quo 6, 7, & 8 sinum eius lateris indicant, uerum 6 priuatim notat eius sinus tuber. 7 autem & 8 sinum eius angulos impressionesq;.
- 8 Venæ cauæ caudex, inibi abscissus, quæ deorsum tendens iecur superauit.

r 4 Arte.